

Na osnovu člana 6. i 9. Zakona o ministarskim, vladinim i drugim imenovanjima Federacije BiH («Službene novine Federacije BiH», broj: 12/03, 34/03 i 65/13), člana 38. tačka 2. i člana 110. stav 1. Statuta općine Gornji Vakuf - Uskoplje («Službeni glasnik općine Gornji Vakuf – Uskoplje», broj: 1/01 i 3/05) i člana 89. Poslovnika o radu Općinskog vijeća Gornji Vakuf Uskoplje («Službeni glasnik općine Gornji Vakuf – uskoplje» br. 7/13), Općinsko vijeće Gornji Vakuf – Uskoplje, na svojoj 12. redovnoj sjednici održanoj dana 15.05.2018. godine, donijelo je

ODLUKU
o pokretanju postupka za imenovanje Upravnih odbora
javnih ustanova kojima je općina osnivač

Član 1.

Pokreće se postupak za imenovanje Upravnih odbora javnih ustanova kojima je osnivač općina Gornji Vakuf-Uskoplje i to:

1. JU Dom zdravlja Gornji Vakuf-Uskoplje
 - 3 člana ispred osnivača,
 - 1 član ispred kantonalnog ministarstva zdravstva,
 - 1 član ispred uposlenih,
2. JU Apoteka Gornji Vakuf-Uskoplje
 - 3 člana ispred osnivača,
 - 1 član ispred kantonalnog ministarstva zdravstva,
 - 1 član ispred uposlenih,
3. JU Centar za socijalni rad Gornji Vakuf-Uskoplje
 - 2 člana ispred osnivača,
 - 1 član ispred kantonalnog ministarstva zdravstva,
 - 2 član ispred uposlenih,
4. JU Centar za obrazovanje i kulturu Gornji Vakuf-Uskoplje
 - 4 člana ispred osnivača,
 - 1 član ispred uposlenih,
5. JU Dječji vrtić Gornji Vakuf-Uskoplje
 - 3 člana ispred osnivača,
 - 1 član ispred roditelja, korisnika usluga,
 - 1 član ispred uposlenih.

Član 2.

Javno oglašavanje će se izvršiti u skladu sa članom 3. Zakona o ministarskim, vladinim i drugim imenovanjima Federacije BiH (u daljem tekstu: Zakon) u Službenim novinama Federacije BiH i najmanje jednom dnevnom listu ili drugom glasilu.

Član 3.

Imenuje se Komisija za izbor (u daljem tekstu: Komisija) u sastavu:

1. Branko Matijanić, predsjednik
2. Senad Prijjić, član
3. Ivica Perić, član
4. Šišić Suad, član
5. Osman Sofić, član.

Komisija je dužna obaviti poslove utvrđene članovima 10., 11. i 12. Zakona u roku od 30 dana od dana protoka roka za podnošenja prijava i dostaviti preporuku- rang listu kandidata Općinskom vijeću Gornji Vakuf-Uskoplje.

Provođenje postupka iz stava 2. ovog člana za pozicije iz člana 1. tačka 1.alineje 2., tačka 2.alineja 2.i tačka 3. alineja 2. obaveza je kantonalnog ministarstva zdravstva, koje je dužno dostaviti listu kandidata Općinskom vijeću Gornji Vakuf-Uskoplje.

Član 4.

Imenovanje Upravnih odbora izvršit će se na mandatni period od 4 godine počev od 28.09.2018.godine

Član 5.

Ova Odluka stupa na snagu osmog dana od dana objavljivanja u "Službenom glasniku općine Gornji Vakuf-Uskoplje".

Broj; 01-05-___/18
Gornji Vakuf-Uskoplje,
___05.2018.godine

Predsjednik
Općinskog vijeća
Goran Batinić, magl. nov.